

寄徐霞客書

文震孟 湛持

隔歲多病，至秋尤劇，已絕北行之意。而都門知己，有相會者，謂功令方嚴，無五年高臥之使臣，乃扶病出山，臘月入京，又復大病，至今悒悒，殊悔此行之爲小草也。行年耳順，婚嫁都畢，卽不能如仁兄五岳之遊，深山茅屋，怡神養性，儘可自老。何事馬背黃塵，逐逐不休，且半載之間，孟長病，明卿亡，彌使人心怵而神惕，無論富貴利達之想，不啻涕唾，卽功名事業之念，亦直如泡幻矣。今歲杖履遊行何地，從前涉歷，已大可觀。今且彙成紀述，以導後遊，以傳千秋，使百世而下，知人間世固有地行仙人，不亦韻乎。如向所稱廬山頂上異人，言之猶足清我神骨。每當熱惱時，一思此景，何啻百服清涼散也。

遊記 十冊下
書牘

下
缺

獄中答霞客書

黃道周 石齋

霞客兄翱翔以來，俛視吾輩，真鷄鶩之在庖俎矣。丙子歲弟亦堅擬不出山，旣而以兵薄都城，衆志悠忽，蛙蝗痴心，欲搏空中厨，旋收急流之步，而事數乖馳，語出得咎，網羅四張，雲雷疊積，雖復縱壑三年，而加矰一日，是蘇門高士，所掩口而不談漢陰丈人所班荆而欲泣也。杖下餘生，不堪語道，感念墓草，惟有銷魂。子春下堂之悲，麟士剝簾之涕，興言發慟，今雖漸能轉側，而起立頽然，欲其攜紫藤，陟峻嶺，登華嵩，豈可

得乎賢郎遠來甚可念中紉翁重惠寒裘洽以道意既不忍
辭何以謝之兄幸瑤攝吾尚能來未爲別說重貺轉上道周
頓首

遣奠霞客寓長君書

壬午四月

黃道周

庚辰初冬拜尊公授衣之惠知耿耿相念如將遠別神明相
告夢寐與通過此十餘日則束身北寺雖致寒溫不可復得
乃知逸客靈爽洞見幽元雖不肖以天自信未若尊公之契
闊通神也縉紳傾蓋白頭者多矣要於矚然物表死生不易
割肝相示者獨有尊公憶壬申歲買舟空山望履華陽相從
敝寓鵬峰之上每以子瞻陳季常彼此相喻今果驗矣僕之
受禍毒於子瞻而尊公中折痛於季常聖人已歿郢匠輟斤
卽令台宕華嶷起於左右僕杖履甚健亦豈樂自獨從之乎
已矣僕髀肉已消五岳之期據損其半從此無意煙霞之外
唯足下勉讀書時訪問令伯氏千秋之業方中草草作二詩
皆重選不成語又恐以絮炙爲足下累聊遣役効其驢鳴菲
微自薦不足麾也四月八日道周頓首

囑徐仲昭刻遊記書

侯伯陽來知先生有長歌見贈頃從社生得之隋珠和璧錯
落扇頭至於片言相許千古爲期被斷緇以青黃鮮混沌之
眉且俾得傳之其人藉以不朽則雖有百朋之錫連城之割

遊記 十册下
書牘

二

豈足以逾此哉。萬卷灰劫，一身旅泊，一意拋棄世事，皈心空門。世間聲名文句，都如塵沙劫事，不復料理。唯念霞客先生遊覽諸記，此世間真文字、大文字、奇文字，不當令泯滅不傳。仁兄當急爲編次，謀得好事者授梓，不惟霞客精神不磨，天壤間亦不可無此書也。聞其文字質直，不事雕飾，又多載米鹽瑣屑，如甲乙帳簿，此所以爲世間真文字。萬萬不可改換。竄易失却本來面目也。知先生自有卓識，并與子玉昆仲具眼者商之。老眼多花，尙思見此奇寶，作點眼空青也。信筆附謝，何時更得一握手，快所欲言，徒有搔首耳。至後一日某頓首。

遊記 十册下
書牘

三

囑毛子晉刻遊記書

徐霞客千古奇人，遊記乃千古奇書。惜其殘缺，僅存數本。仲老攜來，思欲傳之不朽，幸爲鑿定流通，使此等奇人奇書不沒於後世，則汲古之功偉矣。詩集序可付藁來，另寫登梓，未刻經目，并雲棲經，直乞借一看。

徐霞客墓志銘

陳函輝 木叔

墓志者志墓中人事也霞客先生余石友而其爲人也雅善遊一生所涉歷手攀星岳足躡遐荒而今則遊道山矣遊帝所矣又飄飄乎乘雲氣而遊八極之表矣所謂鳳凰已翔于仞之上猶與言人間棲止乎雖然志墓古禮也向先生作汗漫遊同志者恒恐夸父逐日車未必能返首坵而視城郭今日奉身歸全寄形先壠是先生道骨仙才仍以正教後世則其生平孝友大節俠烈古心與文章品尚之表表在人應與遊乘並傳海宇皆不可不爲彰明以告之來者顧先生平生至交若眉公明卿西溪諸君子皆先書玉樓黃石齋師近繫

遊記 十册下
墓志

一

非所而先生之兄仲昭因以志與銘下而命函輝執筆摘詞此又鸞鳩賦希有鳥事矣然輝與先生交最久義不敢以不敏辭謹按狀先生名宏祖字振之霞客其別字也石齋師爲更號霞逸而薄海內外以眉公所號之霞客行其先代蓋南州高士之後宋開封尹錮者扈蹕南渡諸子姓散居荆溪雲間琴川迨十一承事始卜居澄江之梧塍里子孫俱誓不仕元入國朝本中以人材徵使蜀景南出粟助邊賑饑咸膺國命之榮載在鉅公之乘景南生一菴公頤以六書拜中翰與弟解元荊州守泰並以才名耀仕籍一菴生梓庭公元獻梓庭生西塢公經父子魁南榜西塢生雲岐公洽官鴻臚簿雲

岐生柴石公衍芳贈光祿丞此歷傳皆有家集垂世而柴石
生豫菴公有勉則卽霞客之尊甫公矣豫菴配王孺人懷霞
客彌月以異夢誕生生而修幹瑞眉雙顙峰起綠晴炯炯十
二時不瞑見者已目爲餐霞中人童時出就師塾矢口卽成
誦搦管卽成章而膝下孺慕依依其天性也又特好奇書侈
博覽古今史籍及輿地志山海圖經以及一切冲舉高蹈之
蹟每私覆經書下潛玩神栩栩動特恐違兩尊人意俛就鉛
槧應括帖藻芹之業雅非其所好嘗讀陶水監傳輒笑曰爲
是松風可聽耳若睹青天而攀白日夫何遠之有及觀嚴夫
子州有九涉其八岳有五登其四又撫掌曰丈夫當朝碧海

遊記 十册下

二

而暮蒼梧乃以一隅自限耶人或怪其誕夷然不屑益搜古
人逸事與丹臺石室之藏靡不旁覽遇酒人詞客與親故過
從觴咏流連動輒達旦而又朝夕温温小物克謹所言皆準
忠孝維桑與梓必恭敬止裘馬少年之習秉心恥之與童子
鴻不因人熱殆相彷彿纔逾嶽嶽豫菴遇盜阨於別墅既足
奔拯扶持湯藥者逾年至於大故哀毀骨立里人以穉孝稱
畢力喪葬後外侮疊來視之如白衣蒼狗愈復厭棄塵俗欲
問奇於名山大川自以有母在堂戀戀菽水温清不敢請母
王夫人勉之曰志在四方男子事也卽語稱遊必有方不過
稍遠近計歲月往返如期豈令兒以藩中雉轅下駒坐困爲

遂爲製遠遊冠以壯其行色而霞客蹇衛芒鞋探幽凌險以四大付之八寰自此遂無停轍矣記在壬申秋以三遊台岩偕仲昭過余小寒山中燒燈夜話粗叙其半生遊履之概自言萬歷丁未始汎舟太湖登眺東西洞庭兩山訪靈威丈人遺蹟自此歷齊魯燕冀間上秦岱拜孔林謁孟廟三遷故里嶧山弔枯桐皆在巳酉而余南渡大士落迦山還過此中陟華頂萬八千丈之巔東看大小龍湫以及石門僊都是在癸丑惟甲乙之間私念家在吳中安得近舍四郡秣陵爲六朝佳麗地高皇帝所定鼎也二十四橋明月三十六曲濁河豈可交臂失之道丙辰之履益復遠春初卽爲黃山白岳遊夏

遊記 十冊下
墓志

三

入武彘九曲秋還五泄蘭亭一觀禹陵窆石繫纜西子湖又將匝月丁巳家居亦入善權張公諸洞登九華而望五老則戊午也抵魚龍洞試浙江潮至江郎山九鯉湖而返則庚申也以辛酉壬戌兩歲歷覽嵩華元三岳俛窺瀛渤下溯瀟湘齊州九點煙尙隱隱如指掌間憶所遇異人如匡廬之慧燈禪師終南之採藥野人太華之休糧道者了無風塵色相至今猶在目中也予聽其言猶河漢而無極因問先生之遊倦乎曰未也吾於皇輿所及且未悉其涯涘粵西滇南尙有待焉卽峩眉一行以奢酋發難草草至秦隴而回非我志也自此當一問闐風崑崙諸遐方矣仲昭因爲余言吾弟性至孝

每遊輒攜琪花瑤草碧藕雪桃歸爲阿母壽又爲言各方風
土之異靈恠窟宅之渺崖壑梯磴之所見聞有令人舌橋汗
駭者母意反大愜霞客以母春秋高願謹受不遠遊之戒而
母則曰向固與若言吾尙善飯今以身先之令霞客侍遊荆
溪句曲趾每先霞客咸笑謂勝具真有種也天啟甲子母壽
八十眉公先生爲壽序張苓石作秋圃晨機圖李本寧宗伯
引之時三老皆在七十之上名公題詠幾遍海內霞客悉以
壽之貞珉今所傳晴山堂帖是也是年霞客復出門正遊華
下青柯坪忽心動亟絆草履馳歸而母已示疾乙丑自春徂
秋視湯藥床褥間衣未嘗解帶母不食霞客亦不食母爲強

遊記 十册下
墓志

四

食之道以上壽終霞客日夜作孺子啼乞言於董宗伯陳司
成諸公匍匐踉蹌哀感行路其病劇時籲天願以身代與遍
索名參爲餌篤孝種種不可枚舉幾貽譏於滅性矣至服闋
慨然曰昔人以母在此身未可許人也今不可許之山水乎
遂再拜辭兩尊人墓下不計程亦不計年旅泊巖樓遊行無
碍其言遊與人異持數尺鐵作磴道無險不拔能霜露下宿
能忍數日飢能逢食卽喫能與山魃野魅夜話能襍被單夾
耐寒暑尤異者天與雙趺不假輿騎或叢菁懸崖計程將百
里夜就破壁枯樹下卽然脂拾穗記之偶逢一人與言某州
某地勝掉臂便往過數月又尋其人指點彼中未見諸秘狀

予席上問霞客君曾一造鴈山絕頂否霞客聽而色動次日
天未曉攜雙不借叩予臥榻外曰予且再往歸當語卿過十
口而霞客來言吾已取間道捫蘿上上龍湫三十里有宕焉
鴈所家也再攀磴往上十數里正德間白雲雲外兩僧團飄
尚在又復二十里許而立其巔罡風逼人麋鹿數百羣夜
繞予宿予三宿而始下山其果敢直前如此仲昭笈曰此咫
尺地何難記入燕陳明卿與言崆峒廣成子所居其上可窺
塞外霞客裹三日糧竟行返卽告明卿以所未有不數日虜已
抵薊門矣自江上走閩訪石齋於墓次又爲賫手柬抵粵登
羅浮攜山中梅樹歸次年追石齋及於雲陽道上猶憶余在

遊記 十册下
墓志

五

西陵霞客從曹娥江獨走四明五日赤足提朱蘭來誇我以
山心石窻之勝吾弟之信心獨往無所顧忌而復不輕爲然
諾皆此類也詳諸先生叙贊中霞客不喜讖緯術數家言遊
踪旣遍天下於星辰經絡地氣縈迴咸得其分合淵源所自
云昔人志星官輿地多以承襲附會卽江河二經山脈三條
自紀載來俱囿於中國一方未測浩衍遂欲爲崑崙海外之
遊因述向子平語曰譬如吾已死幸無以家累相牽矣丙子
九月寄一行書別予江外唯言問津西域不知何時復返東
土如有奇肱之便當以異境作報章也俟仲昭自閩回執手
一別卽大笈出門一僧一僕偕焉僧號靜聞焚修破寺中聞

其言而悅之者不知十駕之難及也。發軔兩浙九江三楚，多屬舊遊。至湘江遇盜，行笈一空。靜聞被劒斃，霞客僅以身免。僉謂再生不如息趾。霞客謂吾荷一鋪來，何處不可埋吾骨耶。從鄉人相識者，貸數金，負靜聞遺骸，泛洞庭，躋衡岳，窮七十二峰，十洞，十五巖，三十八泉，二十五溪之靈奧。念前者峨眉旣未暢，遂從蜀道登帽，北抵岷山，極於松潘，又南過大渡河，至黎雅瓦屋，曬經諸山，復尋金沙江，極於犛牛徼外，由金沙而南，汎瀾滄，由瀾滄而北，尋盤江，大約多在西南諸彝境，而貴筑滇南之觀亦幾盡。木麗江聞而出迎，禮甚恭，且先於所往。羅番執等蒙酋負弩，不減列子饋漿。霞客都脫屣去之。

遊記 十册下
墓志

六

不以口腹累也。沐黔國亦隆以客禮，聞其攜奇樹虬根，請觀之，欲以鎰金易霞客笈，曰：「卽非趙璧，吾自適吾意耳。」豈假十五城乎黔國益高之，憩點蒼雞足，禮佛衣，遂窆靜聞骨於迦葉道場。閃太史中畏爲塔銘，由鷄足而西，出石門關數千里，至崑崙窮星宿海，登半山，風吹衣欲墮，望見外方黃金寶塔，又數千里，復策杖西番，參大寶法王，鳴沙以外，咸稱火聚，如迷盧阿耨諸名，由旬不能悉。據西域志，沙河阻遠，望人馬積骨爲標幟，魍魎熱風，無得免者。卽元奘法師受諸魔折，亦備載本傳。霞客如飛鳥行空，豈非有大因緣在耶。霞客西遊時，已幻泡此身，旣在佛土，亦竟有委蛻意。偶簡遺籍，見有楊黼

先生者隱居五華潛心理學一日思皈依法王行道飢渴見一人曰法王已南衣某色女衣着男履者走也言訖不見遍覓卒無所遇因歸家其母聞剝啄聲急拖父履而出衣色復合遂叩母作佛禮仍以孔孟教化其里人霞客喟然曰三教終不外五倫耶吾先壟在澄江今其歸矣霞客於峨嵋山前作一札寄予其出外番分界地又有書貽某宗伯併托致予書中皆言所歷涉山川諸瑰狀併言江非始自岷山河亦不由天上其發源河自崑崙之北江自崑崙之南中國入河水爲省凡五入江水爲省凡十一其吐納江蓋倍於河矣又辨三龍大勢北龍夾河之北南龍抱江之南中龍中界之特短

遊記 十册下

墓志

七

北龍亦抵南向半支入中國唯南龍磅礴半宇內其脉咸發自崑崙與金沙江相持南下環滇池以達五嶺龍長則源脈亦長江之所以大於河也爰著成湖江紀源一篇余友李端

木名令哲

與余爲刻入江靖二志中以訂桑經酈註之謬霞

客遊軌旣畢還至滇南一日忽病足不良於行留修鷄足山

志三月而志成

志凡八卷目錄詳遊記中

麗江木守爲飭輿從送歸轉側

而達京口遂得生還是庚辰夏間事也旣歸不能肅客唯置

恠石於榻前摩挲相對不問家事但語其伯子吧曰吾遊遍

靈境頗有所遇已知生寄死歸亦思乘化而遊當更無所望

礙耳顧以不得一見諸故交爲恨遂遣伯子視石齋師於圓
扉伯子歸述近狀據牀長嘆曰修短數也此缺陷界中復何
問迷陽却曲其彌留數日前猶命叱顧余馬渚手作書謂寒
山無忘竈下其篤於交情湛然不亂復如此先生仙遊之三
日仲昭寄一札報予曰霞客竟作岱遊矣臨終以誌乘托寒
山願吾子有以不朽之予謂霞客不以遊重而千古遊人從
此當以霞客重其神仙狡獪如東方攬轡芝田歸牽阿母衣
其至孝誠格如曾參感嚙指而心痛其萬里獨行如巢父掉
頭不肯住其好奇耽癡如李謫仙訪元丹夢遊天姥杜拾遺
經木皮嶺諸山佳者居要其急高義赴約如卓契順帶惠州

遊記 十册下

書郭仲仁負坦安骨而其介性所鍾又徃徃在昔賢矜契之
外仲昭又言其遊有二奇性酷好奇書客中見未見書卽囊
無遺錢亦解衣市之自背負而歸今充棟盈箱幾比四庫半
得之遊地者性又好奇人遇冠蓋必避遇都市必趨有相向
慕者卽草履叩扉袖中出半刺投之一指登堂便相傾倒若
贈言則受投貺卽辭次日不告行矣以余聞之江上諸友人
所稱述霞客非但重其遊也生平事父母孝見志傳及圖贊
中事兄如父怡怡白首庶弟受產鼎分不以厚薄爲治命追
念所先誠敬更篤與仲昭勒遺文梓遺集復拭遺像裝潢之
時致禮先代墓碑在風雨中皆甃而亭焉辨祭田倡族人享

祀曰母教也處三黨見義必先卹遺孤撫弱女遇歲祲每出粟以濟翳桑修葺津梁興復古蹟偶從君山見祭張侯宗璉於瓦礫間因掘得楊文貞碑卽爲鳩材建宇重勒碑石郡邑大夫咸嘉其義江陰志張侯廟在君山之西麓宣德七年建廟碑記後圯廢宏治十一年知縣黃傳改天妃宮爲之春秋致祭久之復廢天啟四年邑人徐宏祖損貲重造乞宗伯董其昌書周文襄公所書楊少師碑刻于石大學士周延儒爲之記諸若琴瑟再調無異情子

姓衣冠分列無異視三子次第成立出異孔無異育與從旅舍分金還金諸奇節皆霞客饒爲之不暇縷縷數矣霞客工詩工古文詞更長於遊記文甚持黃石齋兩師津津贊美而霞客自怡笥篋雅不欲以示人今散帙遺稿皆載六合內外

遊記 十册下
墓志

九

事豈長卿封禪書乎有仲昭爲之較訂此吾輩他日責也霞客生於萬歷丙戌卒於崇正辛巳年五十有六以壬午春三月初九日卜墓於馬灣之新阡小寒山陳子爲之銘銘曰

遊龍飛鴻追日御風窮寰外躡域中歸息於化人之宮馬灣有蠶德心是崇先生天遊而人曰佳壩嗟乎非吳下阿蒙

李介立先生小傳 附

先生諱寄字介立霞客公嫁妾之子也育於某氏少長欲旋里族弗能收又不忍爲他姓後故從其母氏姓李而自名曰寄性穎異博學能文應童子試郡守拔第一旣而悔之曰奈何以文字干榮哉遂不復就道試偕母隱居於邑之定山課徒以養母後復徙由里山之山居菴終其身不娶戶部張靜涵徒步請見先生踰垣走冬月寒甚友人曹雲志製布袍贈之却不受郡司馬牛邑令龔遊擊周先後訪之欲望見顏色不可得也又其生平好遊覽每於春秋佳日涉歷東南山水殆遍鄉之人咸稱其有父風嘗徒步往義興史氏求霞公遊

遊記

十冊下

介立公傳

一

記遺冊手輯之所著有天香閣集輿圖集要菟圃存稿及古今體詩累二百餘卷雖未梓行其錄本亦往往膾炙人口嗚呼先生生於明長於清生於徐氏長於他姓抱奇材而未試甘勞獨以終年語云達士忘情志士勵行若先生者殆兼之矣卒年七十有二葬於花山之陽鎮生也晚不及親見先生然其軼事之襍見諸稗史者猶可徵考因得撮其崖畧俾後之輯志乘者庶有所採擇焉

諸本異同考畧

陳泓

體

季會明本

此為最初錄本未見

季諱夢良會明其字也霞客遊記自季氏始編次成書蓋

先生以庚辰六月終還家

墓志云黃岡令為具舟楫達江口是庚辰夏間事傳云霞客歸

以庚辰六月而馮志江源考小引則云霞客以庚辰秋歸故云當在六月終也

時已抱病至仲冬

而病劇

傳云霞客遣長子問關視石齋於獄三月而返述石齋繫獄狀遂浩歎不食石齋遣奠書云庚辰初

冬拜尊公授衣之惠則知長君當以仲冬返

遂卒於明年正月知未暇脫稿也

然季氏編次時其書已有缺失

戊寅十一月十一日以後共缺十九口日記已卯九

月十五日後俱無記

而初入滇省諸遊記則全迨乙酉之變此書乃

遭兵燹後季氏再為收拾竟缺一册意錄本之無遊太華

遊記 十册下 異同考畧

顏洞及盤江老者即季本也

史夏隆本 不傳

季會明云滇遊記首册未失時宜興曹駿甫曾借去鈔錄

今當往求之後三十年先生葉子季介立先生訪得駿甫

本於宜興史氏則又經史氏塗改另錄矣介翁重請得其

底本從日影中照出曹氏原文與季本互校成書而史本

乃不傳但存其序一篇而已

李介立本 此為諸本之祖

目季氏編定後傳觀者不知寶惜鈔寫者多有刪潤文殘

簡錯句亂字謬而滇遊首册又全失去介翁積年苦心訪

得曹本於宜興史氏乃其書又僅四冊已非全文故缺者仍不可完僅於改竄塗抹中得遊太華顏洞及盤江考數記以錄入季本兼為訂正謾誤而已嗣後諸人所指為原本者皆係季本其稱改本者不知又係何人所改疑齋先生乃認為史本誤矣今記中所注下缺皆係介翁筆

此視季本雖稍有刪改然較諸他本差勝故備存其目於左

第一本

徐霞客傳附囑仲昭刻遊記書

遊記十冊下異同考畧

二

奚又溥序

遊名山記

遊天台山日記

遊天台山後記

遊雁宕山日記

遊雁宕山後記

遊白岳日記

遊黃山日記

遊黃山後記

遊武夷山日記

遊廬山日記

遊九鯉湖日記

遊嵩山日記

遊太華山日記

遊太和山日記

遊五臺山日記

遊恒山日記

開遊日記

閩後遊日記

第二本

西南遊日記一

自崇正九年九月初九日至十年正月初十日

西南遊日記二

自十年正月十一日至閏四月初七日

第三本

西南遊日記三

自閏四月初八日至六月十一日

西南遊日記四

自六月十二日至七月二十日

西南遊日記五

自七月二十二日至八月二十一日

第四本

西南遊日記六

自九月二十二日至十二月二十四日

遊記

十册下
異同考畧

三

西南遊日記七

自十二月二十五日至十一年二月十七日

西南遊日記八

自二月十八日至三月二十七日

遊黔日記一

自三月二十八日至四月十九日
有提綱

遊黔日記二

自四月二十二日至五月初九日

第五本

卷首有季會明曹宸采小記

遊滇日記二

自八月初七日至二十九日
有提綱

遊滇日記三

自九月初一日至二十九日

第六本

遊滇日記四

自十月初一日至二十九日

遊滇日記五

自十一月初一日至十二月三十日

溯江紀源 原注云刻本邑馮志靖
邑陳志中 有小引

盤江考

隨筆二則

靖江楊天賜本

共分十二本第一本即從名山遊記起無總目無傳序第
二本首載史序第四本日記入下即載盤江考遊顏洞遊
太華山三篇第十二本載霞客詩賦得孤雲獨往還五首
有黃石齋跋 題小香
山梅花堂詩五首有序
婁子柔慈母篇黃石齋詩
七言古
遊桃花澗一首有序
小記及陳明卿文湛持
跋 輓詩二首缺一首
黃石齋書
獄中答書
上午
文湛
持書錢傳陳木叔墓志銘未附楊天賜跋

遊記 十册下
異同考畧

五

此本點遊記以上視諸本最為缺畧而點遊記以下視諸
本稍為完善有足補奚本所未備者疑亦從李本錄出而
意為去取者也

梧棲徐氏本

卷首亦無總目其本數篇目俱同奚本但分提綱之四為
八每本俱有遊名山記四字首載錢傳次楊疑齋前序次

楊疑齋後序 序見
首册

此本不知何人所定疑亦從李本錄出而以已意為刪潤
者點遊記以上視楊天賜本雖為完善點遊記以下則視
諸本殊多缺畧

邑中夏氏本

前後編次俱同奚本第後又增入詩文一册中有哭靜聞
禪侶詩六首有引附邑志仙釋傳內靜聞事畧黃石齋七言古詩一首多
項仲昭鄭舉陽二跋石齋分闔十六韻有小說石齋七言絕
句十首有小說石齋五言古詩四首有小說唐大來古今體詩
共三十首皆楊天賜本所無者

奚氏又一本

即從奚氏原本錄出後復以諸册本點竄於上真可謂逐
臭者矣末卷所載詩文除與楊夏二本相同外又有周挹
齋重建君山張侯廟記張元春秋圃晨機圖記李本寧秋

遊記

十册下
異同考畧

六

圃晨機圖引

後宅張氏本又有夏樹芳秋圃晨機圖賦

王季重徐氏三可傳徐

氏家傳吳國華徐霞客生壙志銘

辨譌

第一冊

天台 筋竹諸本或作筋竹非案嶺表錄南海岸邊沙中出

沙筋一名越王竹北戶錄嚴州產越王竹土人用為酒

籌地志衢州有筋竹山又案天台圖經筋竹出台州五

縣皆有玉篇筋俗筋字竹譜筋竹竹之多筋者夫嚴與

衢在台之西公遊台山自寧海奉化來在台之東去嚴

衢八百餘里則台州之為筋竹無疑或作金亦非

鳩蕩

八舉即慈舉松舉慢舉東舉朱舉沙舉之類案浙省

全圖自定海迤邐西南至樂清凡以舉名者十餘處而

遊記

十冊下

辨譌

一

字書不載舉字音義諸本或因浙東海界有竹舉東舉

竟譌作舉非

白岳

丙辰諸本作丙寅非

鯉湖

石所山諸本作石竹非案志石竹山在福清縣其上

亦有九仙閣化龍窩諸勝石所山在仙遊縣宋林光朝

劉夙嘗登是山曰天下佳山水未有鯉湖石所山者也

據此則與鯉湖並稱其為石所無疑

鴈宕後

中裂一壘或譌作壘非案壘集韻轄角切音學堅

土也後石學如門從此壘集韻許慎切音釁裂也罅也

揚子方言破而未離之謂壘書洪範疏灼龜為兆其壘

坵

閩後 七月十七日啟行下。諸本刪去二十一日。至如履平地。二十二字非。

第二冊

江右 十月十七日記 陸行五十餘里下。諸本刪去至草坪為常山

玉山兩縣界又五十餘里。十六字。

十一月 初十記 又五十餘里。始抵建寧云。建寧或作建昌非。

十一月 十五記 從姑。諸本作麻姑。非。案麻姑山在建昌南城

縣西南。從姑山在縣東南。因次於麻姑。故名。不得以上有麻姑云云。竟混作一山也。

遊記 十冊下

二

楚 正月十二記 凡住寺者三日下。諸本或脫去初行山間。至蓋

實景也。 字。

第三冊

粵西 七月六日記 下榷支扉。榷音件。閉門橫木也。諸本作榷非。

六月廿五日記 菜邕橋。一作蔡邕。

八月十二日記 劈竹鋪。一作劈刀。

第四冊

粵西 十一月十五記 有岩在路北下。諸本或刪去循之。將往水岩

句非。

十一月十七日記 黃君復以銀燭贈予。銀燭。範銀如燭者。一作

銀鐏

十一月十八日記

桐槽郵一作桐槽

十二月廿二日記

方石中橫下諸本無諺號為棺材石句

黔二 四月廿七日記

小註鳥鳴關在安南衛七字疑後人濫增當

刪

第五冊

太華

猗蘭閣一作漪瀾

滇二

八月十八日記

蛇塲河一作蛇床

八月廿四日記

尤而效之句下一作欲索多錢且先索而後

授餐及出餐又惡云云

遊記 十冊下 辨譌

三

八月廿五日記

勃窣諸本作勃卒非按司馬相如子虛賦

珊勃窣上金堤注勃窣匍匐行也

八月廿八日記

八蠟者香香一作鄉

九月初七日記

與君來時相後先也句下一作余於是始凜

然悚還忻然幸深感前止宿者之厚情而不當以私衷

億度之也

九月十七日記

駐朝陽者數日句下一有而總持又非常佳

久擾殊為不安雨竟日復一日三句

九月廿三日記

梅桐郵梅疑當作海

九月廿五日記

由其西向西南下第二西字一作東

九月廿九日記

西南涉溪其溪似西南流者兩溪字諸本作

塢非

第六冊

滇四 十月十日

何六安巢阿何曾為六安州故云諸本或作

陸涼非

十月十日

由天女城盤金沙山山或作江非

十月十日

亦池濱聚落之大者下一有而田則不能成

壑焉八字

十月廿六日記

譜明一作普明

十一月六日記

小注勺漏一作勾漏

遊記 十冊下

四

十一月六日記

者坊關坊音勤土壁也諸本或作地或作北

俱非

十二月五日

江驛按輿志作姜驛

十二月七日

沸流懸度於上一作沸流倒懸懸度於上

又

有寺當邨之中一作有慈雲寺當邨之中

十二月廿八日記

香木坪一作木香坪

第七冊

滇六

正月十九日記

為鬱攸所焚攸諸本作茶非按神茶鬱壘乃

守禦神名未聞其司火政也

二月八日記

每十二年逢寅諸本並作十年逢寅疑非

第八冊

滇八

三月廿五日記

又八里抵西麓下一有路北二字以路北有

寺作一句而以當路北三字連下句讀。

三月廿七日記

皆西轉而北出一作皆北轉而西出。

三月廿八日記

羅岷山岷一作岷。

又 嗟和哥甸哥一作歌。

四月初十日記

脊北亦中窪瀦水焉下一無西一里三字。

四月廿九日記

濶幾盈四五丈丈一作里一作尺。

又 馬塲河一作馬腸河。

第九冊

遊記 十冊下 辨譌

五

滇十

五月初二日記

雲峰山峰一作嵐。

五月廿四日記

王翰撰時之文一作王翰時撰而以之文二字作之墳連下句讀。

六月十日記

俞來就婚下一有去歲冬底乘龍六字。

六月廿五日記

余返寓抄書下諸本作下午劉以素肴四品

餽劉北有以斗米牛肉餽且北鄰花紅云云者非蓋既

有素肴米肉不應更摘花紅當并李也

滇十一

八月十九日記

俯瞰蒙城如甌脫也甌脫諸本或作甌嬰非

按史記匈奴傳中有棄土莫居于餘里各居其邊為甌

脫韋昭注界上屯守處為甌脫索隱引服虔注云作土

室以伺漢人又纂文曰甌脫土穴也據此乃見比擬之切若作甌粵大謬

第十冊

滇志

八月廿三日記

余去年臘月十八他本或作廿一日非

外編 墓志

自雞足西出石門關石門諸本並作玉門非

按玉門關在西北雞山在西南而崑崙適在玉門關之西南在雞足山之西北相去各數千里公自雞山出關至崑崙不須迂道玉關也况公江源考云北歷三秦南極五嶺西出石門金沙以窮江源又云江發源於犁牛石南流經石門關而入麗江據此則為石門信矣

遊記

十冊下

六

辨譌

已上辨譌五十餘條第取向來傳寫各本摘出附辨以見楊文定公暨陳君體靜定本之善至兩本中互異處亦並載入以備考正如某字一作某字之類即係兩本中互異處也若時下胥鈔任意刪節甚有一手錄本而前後互異者均不置辨識者鑒之

孩浦徐 鎮筠峪識

是編之校不第據楊陳二本如改行軍司馬爲行軍總管用
隋書史萬歲傳改正定余鄉三峰爲余鄉中峰用吳梅村贈
蒼雪詩改定取他書叅互考訂者甚多書此見校書之難卽
以見讀書之難也

雲槎樵史葉廷甲校訖識

遊記

十册下